


1 2 3 4 5 6 7 8 9 40 1 2 3 4 5 6 7 8 9 50 1 2 3 4 5 6 7 8 9 60



門口 12  
號 2908  
卷 30

禮書卷第三十二

宋 陳祥道用之 編

明 張 淳西銘 閱

盛 順順伯 參

旗

熊虎爲旗

司常熊虎爲旗師都建旗大司馬軍吏載旗考工記熊旗六旃以象伐鄭氏曰伐屬白虎宿與然九參連體而六星故六旃九旗亦旗猶王侯皆謂之侯五溝皆謂之溝五涂皆謂之涂八法皆謂之法也周禮言旗言大旗言旗物言旌旗言旗鼓則旗與大旗云者熊虎之旗也

旗物旌旗鼓云者。有非熊虎之旗也。故鄉邑以旗物及田之前期致民。則以司徒之大旗鄧長之作民以鼓遂之起野役。致民則以遂之大旗。然則熊虎之旗。豈卑者所得而有耶。致民則以旗既至。則弊之。故司常曰。致民置旗弊之。大司馬曰。質明弊旗。誅後至者。蓋設而致之。使之一於所視。至而弊之。使之一於所聽也。旗之所用。不特軍旅。田獵野役之事而已。凡祭祀。各建軍旅。會同賓客。亦如之。蓋衆之所各。

有虞旗有虞旌。何也。山虞掌山林之政。令山林者

有虞人

獸之所集。故有虞旗以致禽。澤虞掌國澤之政。令澤者禽之所集。故有虞旌以屬禽。熊虎之旗。蓋皆六旌。先儒以爲。遂大夫四命四旌。卿大夫六命六旌。不可考也。其杠之長短。則有差矣。鄭氏曰。山虞之旗。其仞數。則短是也。先王之於旗分之采物。而禮意存焉。後世秦於四時。各有所旂。月令春青旂夏青旂中央黃秋白冬黑。鄭有蝥弧。晉有蠶旂。以至吳王之建肥胡武之靈旂。田盼之曲旂。後漢之雲罕。皆一時之觀美而已。豈古制哉。

旗鳥隼爲旗

司常曰鳥隼爲旗爾雅曰錯革鳥曰旗朱雀與隼朝人曰鳥旗七旗以象鶴火然司掌之大閱州里建旗司馬之兵百官載旗何也軍法行前朱鳥後玄武左青龍右白虎招搖在上急繕其怒則諸侯載交龍之旂於左軍吏載熊虎之旗於右百官載鳥隼之旂於前郊野載龜蛇之旂於後王載太常於其中而加高焉此所謂招搖在上也然則州里建旗者州里之常百官載旗者一時之事軍國之容固不同耳干旄曰子子干旄蓋州里之臣也太常而下五旗皆畫則旗畫鳥隼信矣郭璞釋爾雅謂旗

剝鳥皮毛置之竿頭卽禮記載鴻及鳴鳩其說非是也

旄

龜蛇爲旄

司常龜蛇爲旄考工記龜蛇四旂以象營室爾雅曰緇廣充幅長尋曰旄司常又曰縣鄙建旄大司馬曰郊野載旄蓋田役軍旅王之事也雖命數不同而同於四旂其所辨異者有名號存焉先儒謂縣正四旂鄙師三旂其說無據詩曰子子干旄子子干旂子子干旂又曰設此旄矣建彼旄矣又曰建旄設旄爾雅曰注干首曰旄注旄首曰旌孟子

曰羽毛之美。左傳范宣子假羽旄於齊而弗歸。齊人始貳。襄四年晉人假羽旄於鄭。定四年明日旆之賈公彥曰。太常而下干首皆有旄羽。蓋干首注以旄。旄首注以旃。則羽毛所以爲旗飾也。旗皆有羽旄。而全羽之旆。折羽之旌。又爲旗焉。此所以道車旂。車之所載。澤虞之所建。與夫飾旗者異矣。書曰右秉白旄以麾。樂師小舞有旄舞。旄人掌教散舞。旄舞傳曰。葛天氏之樂。三人操牛尾。捉足而歌八闋。爾雅曰。旄謂之龍。山海有獸如牛。四節有旄。此旄牛也。荀卿曰。西海則有文旄。班固地里志秦西近。

印旛有旄。西方之產也。其尾可以飾旗。亦可以飾舞。

旛

鄭氏曰通帛爲大赤從周正色。

旛

孤卿不畫言奉王之政教而已。

旛

鄭氏曰雜帛者以帛素飾其側白殷之正色大夫士雜帛言以先王正道佐職也。

司常通帛爲旛。雜帛爲旛。物爾雅因章曰旛。左氏曰亡大旆之左旛。又曰分康叔以少帛綺。旛旛蓋旛大赤也。物少帛也。旛爲大飾。故孤卿建之。物爲少帛。故士建之。左傳旛而鼓杜氏曰旛也。爾雅曰緇廣充幅長尋曰旛是旗旛而上其色赤而不緇其幅長而不特尋也。旛物之旛經無其說。周禮典命自上公至

士其車旗各眡其命之數而行人上公建長九旌  
侯伯七旌子男五旌皆以命數爲節然卽王之孤  
卿六命大夫四命公侯伯之孤四命卿三命大夫  
再命士一命子男之卿再命其大夫一命旛物之  
旌蓋亦稱是與旛旗旛旐之旌有常數者異也先  
儒以爲旛物旆如燕尾此不可考聘禮卿載旛禮  
也旣夕士載旛攝也

禮書卷第一百三十二 終

禮書卷第一百三十三

宋 陳祥道用之 編

明 張溥西銘 閱

盛順順伯 參

司常中冬大閱

王太常

諸侯旛

孤卿旛

大夫士物

師都旛

師都帥也鄭氏云鄉遂大夫

州里

州里州所里也爾雅曰里邑也鄭氏云州長里宰

縣鄙旄

司馬中秋治兵

王太常

諸侯旂

軍吏旂

師都旂

師都師帥也鄭氏云遂大夫

鄉遂物

鄉大夫遂大夫也鄭氏云鄉大夫

郊野旄

郊野縣師也鄭氏云州長縣正

百官旂

司常國之大閱王建太常諸侯建旂孤卿建旂大夫士建物師都建旂州里建旂縣鄙建旂司馬中秋治兵王載大常諸侯載旂軍吏載旂師都載旂鄉遂載物郊野載旂百官載旂何也大閱軍實而已治兵則軍法在焉師都所以治徒役者也軍吏所以將卒伍者也大閱以治徒役爲主故有師都而無軍吏治兵以將卒伍爲主亦有治徒役者也故有軍吏又有師都大閱師都之所建治兵軍吏之所載皆熊虎之旗則大閱所以威衆者師都也治兵所以威衆者軍吏也二者蓋皆孤卿爲之故

其序在州里鄉遂之上謂之吏則任以事也謂之師則帥其衆也謂之都則自采邑言之也鄉師出田法于州里州長攷州里之治則州里州所里也縣師掌邦國都鄙稍甸郊里之地域若有軍旅會同田役之戒則受法于司馬以作其衆庶會其車人之卒伍以歲時徵野之貢賦則郊野縣師也大閱有師都而鄉遂乃鄉遂大夫也百官軍中之百官也禮曰羔豚而祭百官皆足孟子曰百官以事舜於畎畝之中凡此所謂百官者非卿大夫也治兵之百官蓋亦如此鄭氏以大閱之師都爲鄉遂乎

大夫以治兵之師都爲遂大夫以鄉遂爲卿大夫以郊野爲州長縣正以州里爲州長與里宰以百官爲卿大夫然以師都爲鄉遂大夫又以爲遂大夫是離師都而二之也鄉遂則卿大夫與遂大夫也以鄉遂爲鄉大夫是合鄉遂而一之也有鄉遂則州縣在所統矣孰謂郊野乃州長縣正乎鄙五百家然後爲一旅而有旐孰謂里宰有所建乎使其有所建其可踰於縣鄙之旐而建旗乎軍行卿大夫不爲將帥則守國而已孰謂百官乃卿大夫乎

旒鄭氏曰全羽祈羽皆五采繫於旒旌之上所謂注旄於干首

旌

司常全羽爲旒折羽爲旌道車載旒旂車載旌道車象路也旂車木路也象路建大赤以朝木路建大麾以田而有旒旌者蓋朝則建大赤燕出入則載旒田則建大麾鄙則載旌旂旌皆注旄而旄與羽又注於旗則羽可以飾旗又可以爲旗也書曰羽畎夏翟考工記鍾氏染羽以朱湛丹秫三月而穢之淳而漬之蓋古人於羽固用其自然者也不足則染以充之夏采言建綏明堂位言有虞氏之

綏於官言夏采於旗言建綏則所謂綏者旌旒而已復于四郊豈非其燕出入之地歟鄭氏釋明堂位曰有虞氏當言綏夏后氏當言旂於義或然其以綏爲大麾則與夏采不合

龍旛

鄉射記曰君射於竟則龍旛鄭氏曰畫龍旛尚文章也通帛爲旛

翻旌

白羽與朱羽糅以鴻脰韜杠上二尋

鄉射禮君國中射則皮樹中以翻旌獲白羽與朱羽糅於郊則閭中以旌獲於竟則虎中龍旛大夫兕中以其物獲士以翻旌獲文曰旌各以其物無物則以白羽與朱羽糅杠長三仞以鴻脰韜杠上二

尋鄭氏謂此翻旌也不命之士無物然則君於國中燕射也於郊大射也於竟賓射也翻旌之羽白與朱而已不若旌之備文旌之備文不若龍旛之備德故與羣臣燕射則以翻旌擇士而大射則以旌於鄰國君射則以龍旛龍旛蓋亦絳帛爲之先儒以爲旆如燕尾今姑存之詩曰值其鷺翻毛氏曰值持也顏師古曰立之而舞然春秋傳曰舞師題以旌夏則鷺翻蓋若今大樂二工執之以引舞者也值者遭之也詩曰左執翻周禮鄉師葬則執纛治役爾雅曰翻纛翳也郭璞曰翻葆幅也則纛

可以引舞可以習射亦可以治葬役也士射之獲與君同豈非順而撫者歟

禮書卷第一百三十四

宋 陳祥道用之 編

明 張 濬西銘 閱

盛 順順伯 參

青旌

鄭氏曰：青，青雀。水鳥，鳶鳴則將風。鴻取飛有行列也。虎取其有威勇也。貔貅亦摯獸也。

鳴鳶

飛鴻

虎皮

貔貅

擎壺

擎轡擎

禮記曰前有水則載青旌前有塵埃則載鳴鳶前有車騎則載飛鴻前有士師則載虎皮前有擎獸則載貔貅考之周禮擎壺氏掌擎壺以令軍井擎轡以令舍擎畚以令糧春秋傳曰前茅慮無兵法行則持五於溝坑揭黃衢路揭白水澗揭黑林木揭青野火揭赤此水載青旌塵載鳴鳶車騎載飛鴻士載虎皮擎載貔貅之意也蓋青雀習水者也鳶知風者也飛鴻則有列虎皮則有威貔貅則有猛皆各象其所見然也先儒謂青雀鳴鳶飛鴻皆畫

於旌而載之虎皮貔貅或舉其皮或畫其狀蓋禮無明說故兩存之書曰如熊如羆如虎如貔詩曰獻其貔皮爾雅曰貔白狐其子穀大字林曰貔豹屬郭璞曰一名執夷虎豹之屬陸機疏曰貔似虎或曰似熊遼東人謂之白熊則白熊白狐執夷皆貔之異名

徽纖

鄭氏曰徽纖旌旗之細綴於膊上今城門僕射所被及亭長著絳衣皆其舊象

周官司常國之大閱贊司馬頒旗物王建太常諸侯建旂孤卿建旛大夫建旂師都建旂州里建旂縣鄙建旐道車載旐旂車載旂皆畫其象焉官府各象其事州里各象其名家各象其號大司馬中夏教茲舍

辨號名之用。帥以門名。縣鄙各以其名家以號名。鄉以州名。野以邑名。百官各象其事。以辨軍之夜事。司馬中秋教治兵。辨旗物之用。主載太常諸侯載旂。軍吏載旗。師都載旛。鄉遂載物。郊野載旛。百官載旛。各書其事與其號焉。事名號者。徽織所以題別衆臣。樹某某之事。某某之名。某某之號。今大閱禮象而爲之兵凶事。若有死事者。亦當以相別也。詩曰織文鳥章白旂央央。織徽織章將帥以下衣皆著焉。記曰殊徽號。左傳曰揚徽者公徒也。昭二十一年

九旗之物。既畫號名事之象。而又書以述之。畫之則略書之。則詳。司常於大閱頒旗物。則言畫大司

馬於治兵。辨旗物之用。則言書者頒旗物。建以閱之而已。辨旗物。則載而用焉。此治兵大閱之別也。兵法夜戰多火鼓。晝戰多旌旗。是晝之相視者。以象夜之相聞者。以聲故。旗物有龍虎鳥龜之文。所以待晝事。有號名事。所以待夜事也。詩曰元戎十乘。以先啓行。織文鳥章白旂央央。鄭氏以周禮之號名。詩之織文鳥章。皆爲徽織。謂徽織旌旗之細。若銘旌然在朝。則植之於位。在軍則衣之於身。然觀禮諸侯各就其旆而立。司常凡祭祀。各建其旗。會同賓客亦如之。則朝覲所建。無旌旗之細者也。

傳曰揚徽者公徒也。說文卒從衣。士卒之衣固有旌旗之細者爲之題識。然非九旗之號名事也。司常辨九旗之名物各有屬。此建旗者之屬非衣徽也。鄭氏以九旗之號名事與九旗之名物各有屬皆爲衣徽其說誤矣。昔晉攻狄叔虎被羽先登克之。國語漢光武擊青犢賈復亦被羽先登敗之。然則後世之被羽蓋古衣徽之遺制爾。韋昭以被羽爲繫飛鳥於背若今負眊是也。章懷太子以被羽爲執旌旗誤矣。

招大夫士以旌旃之禮

孟子曰招虞人以皮冠大夫以旌士以旃庶人以旃蓋田獵用皮冠旃車載旃諸侯建旃孤卿建旃虞人掌田獵之事者也。故招以皮冠。大夫從游燕之樂者也。故招以旌。士君之所禮者也。故招以旃。庶人孤卿之所治者也。故招以旃。春秋之時齊侯田于沛。昭二十五年招虞人以弓不進辭曰昔我先君之田也旃以招大夫弓以招士皮冠以招虞人其言與孟子不同者主制曰上大夫卿則孤卿上大夫也弓聘士之物也。詩曰翹翹車乘招我以弓則招大夫以旃士以弓以其所當用者招之而已非

必先王之禮然也

禮書卷第一百三十五

宋 陳祥道用之 編

明 張溥西銘 閱

盛順順伯 參

車制

古者服牛乘馬引重致遠以利天下則車之作尚矣或曰黃帝作軒冕不可攷也車之制象天以爲蓋象地以爲輿象斗以爲杠轂象二十八星以爲蓋弓象日月以爲輪輻前載而後戶前軌而後軫旁轔而首以較下軸而銜以轡對人者謂之對車

如舟者謂之軻。操而相迎者謂之牙。軻之曲中謂之前疾。輶之土平謂之衡。衡之材與輿之下木皆曰任。以其力任於此也。轂之端與轔之下木皆曰輶。以其旁止於此也。軫可以名輿。可以名車。達常可以名部。軫前橫木可以名輅。此又因一材而通名之也。其爲車也。有長轂者。有短轂者。有杼輪者。有侔輪者。有反操者。有仄操者。有兩輪者。有四輪者。有有輻者。有無輻者。有曲轂者。有直轂者。輥直有一轂者。有兩轂者。有直輿者。有曲輿者。鈞車有廣箱者。有方箱者。有重較者。有單較者。或駕以馬。王門曰。偏駕而已。

五路

玉路

鄭氏曰玉路金路象路以玉金象飾諸  
末革路輶之以革而漆之無他飾木路  
不輶以革  
漆之而已

金路

象路

華路

路大也。玉路金路象路以金玉象飾之也。革路輓而漆之。木路漆之而不輓。則有飾者皆輓而漆輓而漆者無飾也。玉路賜樊纓十有再就。金路鉤樊纓七就。象路朱樊纓七就。革路龍勒條纓五就。木路前樊鵠纓者。錫在顱。鉤在領。朱者勒之色。龍者勒之飾。詩言鏤錫。左傳言錫鸞和鈴昭其聲也。莊周言齊之以月題錫白金也。鏤其文也。月題其象也。則錫象月而鏤之。又昭其聲也。詩言鉤膺。采芑曰鉤

舊傳革幹奕  
日鉤塵鏤錫則鉤在膺前赤金爲之爾。雅曰轡首謂之牽。詩曰儻革金厄儀禮士纓轡貝勒夫諸侯之。墮革有金厄。毛義曰厄士之勒有貝飾。則玉之革路有龍勒宜矣。巾車行人言樊纓。禮記左傳皆作繁纓。繁纓十有再就九就七就五就之別。此左傳所謂游纓。昭其數也。杜預曰纓在馬膺前如索帶。則纓非鞅也。樊然爲鞅之飾耳。杜子春謂故書鵠或爲結。則前樊結纓者無就而結之爾。條則不結。則條纓垂而長者也。然則錫也。鉤也。朱也。龍勒也。玉金象革四路。蓋皆有之。采芑言方叔之車鉤。

膺。墮。革。韓。奕。言。韓。侯。之。車。鉤。膺。鏤。錫。夫。方。叔。在。征。  
則。革。路。矣。而。有。鉤。膺。釋詩者謂方叔乘金路然金路以封同姓而方叔不必同姓又非就封其於華路韓侯就封則象路矣而有鏤錫是錫不特施於玉路而鉤不特施於金路也以此觀之則禮所謂錫也鉤也朱也龍勒也條也各舉其一互相備也若夫木車則質而已故前樊結纓前樊結纓則結其前而非全結也巾車言五者之節皆其首面領膺之著者也故不及腹帶鄭康成以樊爲輶帶之輶又以龍爲左條爲條前爲剪非也纓蓋用組爲之與冠纓同五采一匝爲就與圭

繅冕旒之就同鄭司農以士喪馬纓三就爲削革三重康成謂樊纓以五采羽飾之又謂金路無錫有鉤鵠纓就數與革路同殆不然也禮曰丹漆雕幾之美素車之乘詩曰路車有奭毛氏曰奭赤貌路車之飾皆丹漆矣然禮言玉路以祀又言素車之乘蓋王之祀天自國至大次則乘玉路自大次以升壇則乘素車猶之聽祭報以皮弁及祭則服大裘冕也巾車金路以賓同姓以封象路以朝異姓以封革路以卽戎以封四衛木路以田以封蕃國言同姓以封而不言以封同姓言異姓以封而

不言以封異姓則嫌以賓獨賓同姓以朝獨朝異姓故也然同姓一異姓二以異姓對庶姓則庶姓非異姓也

司儀士揖庶姓時揖異姓孔子以南宮縉爲異姓則異姓姻也庶姓非姻也

以異姓對同姓則庶姓亦異姓而已故巾車金路封同姓象路封異姓禮記於侯牧同姓謂之伯父叔父異姓謂之伯舅叔舅凡此所謂異姓者庶姓預之也同姓亦曰內姓異姓亦曰外姓左傳曰同姓選親外姓選舊

宣十  
二年

王行五路先後之儀

綴路

金路也孔安國曰太路玉綴路金先路象次路革木也

大路

玉路

次路

本路

先路

象路

書曰大輅在賓階面綴輅在阼階面先輅在左塾之前次輅在右塾之前禮器曰大路繁纓一就次路繁纓七就郊特牲曰大路繁纓一就先路三就次路五就然則周官馭玉路者謂之大馭則玉路謂之大路獨周爲然若夫商之大輅則木路而已春秋傳與荀卿曰大路越席禮器與郊社牲曰大

路繁縟一就明堂位曰大路商路也。孔子曰乘商之路皆木路也。然禮器與郊特牲言大路繁縟一就則同其言次路繁縟五就七就則不同者先王之路降殺以兩反此而加多焉。蓋亦以兩而已。大路一就先路三就則次路有五就七就者矣。書言次路以兼革木二路則商之次路五就七就庸豈一車耶。鄭氏以七就爲誤是過論也。夫綴路金路也以其綴於玉路故也。先路象路也以其行道之所先故也。次路革路木路也以其次於象路故也。周官典路若有大祭祀則出路大喪大賓客亦如

之。凡會同軍旅弔于四方以路從蓋王之行也。乘玉路而先之以象路。次之以革路木路而金路綴於玉路之後。觀書先路在左塾之前而居西次輅在右塾之前而居東春秋之時鄭侯以先路三命之服賜子展以次路再命之服賜子產魯以先路三命之服賜晉三帥以一命之服賜司馬輿師以下則先路固貴於次路矣。孔安國亦以先路爲象路蓋亦有所受之也。諸侯有先路後路亦有大路樂記亦曰大路天子之路所以贈諸侯雜記諸侯之唱有乘黃大路相襚以後路與冕服先路與褒

衣蓋諸侯之大路則金路謂之大路猶熊侯謂之大夫侯春秋傳稱王賜晉文公以大路之服僖二年祝鮀言先王分魯衛晉以大路定四年王賜鄭子襄十五年王賜叔孫豹以大路襄二十二年杜氏以賜魯衛晉之大路皆金路賜穆叔子襄四年杜子襄四年當是革木二路此不可考

禮書卷第一百三十五 終

禮書卷第一百三十六

宋陳祥道用之編

明張溥西銘閱

盛順順伯叅

重翟先儒謂重翟當玉路右從王祭祀先王公羣小祀所乘者也衛侯夫人始嫁翟茀  
以朝蓋厭翟也則王  
后始嫁重翟可知

厭翟厭翟當金路右從王賓饗諸侯者也行人  
亞之裸者后不與內宰云賓客之裸獻  
上公再裸侯伯而下皆一裸則再裸者后  
瑶爵皆贊鄭氏云謂王同姓及二王之後  
是也王姬下嫁於諸侯車不繫其夫下王  
后一等不得乘重翟則上公與侯伯夫人  
皆乘厭翟可知

安車

后朝王之車然則諸侯夫入亦應乘此以朝君

翟車

車王后出桑及三夫人與三公夫人同乘翟車九嬪與孤妻同乘夏簾。女御與大夫妻同乘墨車士妻攝乘乘亦墨車非攝則棧車而已。諸侯以下夫人祭祀賓饗出桑赤朝君皆可知也。唐制翟車青質青紬纏朱裏通幘紅

輦車

輦車無面飾無蔽幄則漆之而已。說文曰箱飾翟羽朱絲絳綱轍纓纓色皆從車質。輶輪釋雜記曰輶

崇蓋半乘車之輪。

巾車王右之五路重翟錫面朱總厭翟勒面纁總安車彫面駢總皆有容蓋翟車貝面組總有握輦

車組輓有翫羽蓋者重翟重其羽而不厭厭翟次其羽而不重翟車則不重不厭以羽飾之而已。五路言翟言車而不言路。二翟言翟而不言車者不言路避王也不言車車不足以名之也。孤言夏簾卿言夏縵至墨車以下然後言車是亦飾盛者以飾名飾殺者以車名也。重翟錫面厭翟勒面安車彫面翟車貝面鄭司農曰錫馬面錫鄭康成曰勒面如玉龍勒之韋爲當面飾然則錫面者錫飾馬面也。勒面彫面貝面蓋亦若此勒面以韋則錫面彫面貝面以韋可知也。錫必鏤之則彫面亦鏤錫

可知也。錫面彫面以金貞，面以貝則勒，面有錫亦可知也。或言勒或言彫互備也。馬飾莫隆於錫，勒飾莫殺於貝。故巾車於王之五路言錫樊纓儀禮於士之喪車貝勒此重翟厭翟安車所以錫面而翟車所以貝面也。重翟朱總厭翟緝總安車鷺總翟車組總鄭司農曰鷺總者青黑色以緝爲之總著馬勒直兩耳與兩鑪康成曰朱總緝總其施之如鷺總車衡轄亦宜有焉考之於詩曰朱幘鑪鑪毛氏曰人君以朱纏鑪扇汗且以爲飾此蓋朱總也。組總則纏鑪而已非必扇汗也。施之直馬耳與。

衡轄不可得而知也。朱色純緝色雜鷺色青黑安車之轡取象於鷺者以其在涇在沙而安故也。三車取飾於翟者以其守死而不犯分被文以相質故也。翟車有幄則無容蓋。輦車有翼蓋則無蔽。安車則無翼無蔽。輦車無面飾無蔽幄漆之而已。隆殺之節然也。婦人不立乘謂之安車則五路皆安車也。特於無翼無蔽者命之曰安車以其不飾以羽與四者異也。鄭氏曰重翟從王祭祀厭翟從王饗賓安車。王翟車出桑輦車從容於宮中以謂祭祀賓客行禮也。故有容蓋出桑適遠也。故有幄。

禮書

卷一百三十六

三

朝王不必蔽。翫宮中不必蔽。幄理或然也。詩述衛夫人之朝君。則曰翟茀以朝者。以其始來乘之也。故安車未用焉。

禮書卷第一百三十六 終

禮書卷第一百三十七

宋 陳祥道用之 編

明 張溥西銘 閱

盛順順伯 參

夏篆

鄭氏曰夏篆五采畫轂約也。夏縕亦五采畫無篆爾。墨車不畫也。棧車不革輶而漆

之役車方幅可載任器。

夏縕

說文縕縕無文也。漢律曰賜衣者縕表白裏。然則夏縕以其無篆文故也。

墨車

棧車

役車

輪人曰陳篆必正禮記曰丹漆彫幾之美又曰國家靡敝車不彫幾則篆者彫篆之文也夏篆者篆其車而五采畫之也夏縵五采畫之而不篆墨車墨漆之而不畫棧車素之而不漆考工記曰飾車欲侈棧車欲弇以尊者侈而伸卑者弇而屈故也春秋傳曰晉絳人謂山崩川竭君降服乘縵則縵車無文非夏縵也。吳起曰縵輪籠轂詩曰有棧之車行彼周道則士車非役車也周禮曰庶人乘役車則乘以供役非特載任器也鄭氏釋詩以棧車爲役車釋周禮以棧車飾以漆役車載任器又以篆爲畫

以畫爲畫轂其說誤也役車牛車也棧亦作輶齊逢丑父寢於輶中是也

大車

大車牛車也鄭氏曰大車平地載任之車轂長半柯者也說文曰輶大車簍也

柏車

鄭氏曰柏車山車

羊車

鄭司農云羊車謂車羊門也玄謂羊善也羊車若漢定張車較長七尺

書曰肇牽牛車輶人曰大車轅直必縊其牛則大車牛車也牛車大則柏車中車羊車小車也大車以行澤柏車以行山羊車以行宮中車人所謂行澤者欲短轂行山欲長轂行澤者反輶史謂下泽車行山者仄輶此大車柏車之辨也鄭氏謂羊車若漢

定張車宮內所用蓋有所受之也。大車兩轍也。故車人言凡爲轍三。其輪崇徹廣六尺。高長六尺。轍廣六尺。則與駟車八尺之轍不同。高長六尺。則與六尺六寸之衡不同。是兩轍之車。一牛在轍內。故短而轍狹。一轍之車。兩服在轍外。故衡長而轍廣也。大車轂長尺五寸。圍尺五寸。輻長四尺五寸。渠圍二丈七尺。輪崇九尺。牙圍尺五寸。輻一丈七尺。柏車轂車長二尺。圍二尺。輻長三尺。渠圍一丈八尺。輪崇六尺。牙圍尺二寸。輻大半寸。轍一丈八尺。大車輪高。轍長。柏車輪卑。轍短。輪高。轍

長而轂短小。輪庳。轍短而轂長大者。以其行山澤不同故也。大車牷服二柯。有三分柯之二。則八尺矣。羊車二柯。有三分柯之一。則七尺矣。柏車二柯。則六尺矣。柏車較短。而轂輻牙長。羊車較長。而轂輻牙小者。以其行山與宮中不同故也。輪人之牙。車人謂之梁。海物有曰車渠蓋。以其象名之也。興人之較車人謂之牷服。詩曰終日牽牛不以服。箱毛氏曰服。牷服也。興人之衡。車人謂之鬲。興人之爲。度於興廣。車人之爲車。起度於柯長。興人之車。其箱廣而不方。廣六尺六寸。隧四尺四寸。車人之車箱方而不廣。則其制之異可知矣。語曰大

車無輶小車無軌先儒以大車爲牛車小車爲羊車羊車轔耑曰軌牛車轔耑曰輶說文輶亦作輕理或然也詩曰役車其休周禮曰士乘棧車庶人乘役車先儒以役車爲牛車是也以棧之車爲役車非也

禮書卷第一百三十七

終

禮書卷第一百三十八

宋 陳祥道用之 編

明 張溥西銘 閱

盛順順伯 參

戎路

周禮車僕掌戎路之萃廣車之萃卒車之萃輕車之萃戎路卽革路也晉樂鍼曰吾有二位於戎路襄十四年左晉侯獻楚俘玉賜以戎路之服僖二十八年左乾時之戰魯莊公喪戎路莊九年漢淮之軍楚鬪丹獲戎車桓公八年皆其君之所乘者也然周之鋒車曰元

戎秦之兵車曰小戎則自廣車而下皆戎車也。特不謂之戎路爾。車僕主師共革車會同亦如之。戎僕掌馭戎車。凡巡守及兵車之會亦如之。戎守主雖不乘戎車猶共以從不失備也。

廣車

車僕掌廣車之萃。春秋之時齊伐衛有先駈申駸貳廣啓肱大殿。襄二十一年鄭人賂晉侯有廣車軛車。襄二十一年晉楚之戰有左右廣。宣十二年鄭射大御廣而行。襄二十四年史皇乘廣而死。定四年鄭氏曰廣車橫陳之車。

闕車

車僕掌闕車之萃。邲之戰楚子使潘黨帥游闕四十乘從唐侯爲左拒則游闕者游車補闕也。

萃車

車僕掌萃車之萃。鄭氏曰萃猶屏也。對敵之車也。孫子八陣有萃車之陳。

輕車

車僕掌輕車之萃。鄭氏曰輕車馳敵致師之車。孫武曰馳車千駟。革車千乘則馳車輕車也。詩曰輶車鸞鑣爾雅曰輶輕也。鄭氏以輶車爲田僕所設。

驅逆之車。又以王制佐車爲驅逆之車。然田車以木戎車以革。則驅逆之輕車與馳敵致師之輕車異也。

臨車

衝車

詩曰：臨衝閑閑崇墉。言毛氏曰：臨車衝車也。蓋臨車高。衝車大。高則可以臨下。大則可以突前。故兵書有作臨車衝車之法。墨子有備衝之篇。荀卿曰：渠衝入穴而求利。楊子曰：衝不齊。皆言衝車之大也。衝或作轔。說文曰：盾車。孫武曰：攻城之法修

其櫓輶。輶，四輪車。蓋衝車之類也。楚子使解楊登樓車以告宋人。蓋臨車之類。



40